

სსიპ გრიგოლ წულუკიძის სამთო ინსტიტუტი



გამარტივებული ელექტრონული ტენდერით ციფრული ოსცილოსკოპის
(სეისმოგრაფი) და სეისმოგადამწოდის შესყიდვა
(CPV კოდი: 38293000)

სატენდერო დოკუმენტაცია

დაფინანსების წყარო - შოთა რუსთაველის ეროვნული სამეცნიერო ფონდის მიერ დაფინანსებული
საგრანტო პროექტის AR/62/3-180/14 ბიუჯეტი

2016 წელი
ქ. თბილისი

ს ა რ ჟ ე ვ ი

1. ინსტრუქცია ტენდერში მონაწილეთათვის	3
2. ტექნიკური დოკუმენტაცია	4
3. დანართი N1, რეკვიზიტები	7
4. დანართი N2, ფასების ცხრილები	8
5. სახელმწიფო შესყიდვის შესახებ ხელშეკრულების პროექტი	9

1. ინსტრუქცია ტენდერში მონაწილეობის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია შესაძლებელია წარმოდგენილი იქნას როგორც ქართულ ასევე უცხოურ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში, უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.

1.4 სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედ დასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება, წარმოადგინოს ალტერნატიული სატენდერო წინადადება.

1.7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხის“ მეშვეობით ან/და სატენდერო კომისიის აპარატში, ქ. თბილისი, მინდელის ქუჩა N7, მე-3 სართული, ოთახი 220. საკონტაქტო პირი: გიორგი ქართველიშვილი, შესყიდვების კოორდინატორის მოვალეობის შემსრულებელი, ტელ: 577-39-25-48.

2. ტექნიკური დოკუმენტაცია

2.1. შესყიდვის საგანი

ციფრული ოსცილოსკოპის (სეისმოგრაფი) და სეისმოგადამწოდის (CPV კოდი: 38293000) შესყიდვა.

2.2. შესყიდვის ობიექტის ტექნიკური დავალება

ამ ტენდერით მოთხოვნილი აღჭურვილობით შესაძლებელი უნდა იყოს:

- აფეთქებით სამუშაოებზე შესაბამისი მოთხოვნების უზრუნველყოფის მონიტორინგი და ანალიზი;
- ასაფეთქებელი ადგილის მიმდებარე ტერიტორიის პირობების ანალიზი, შენობა-ნაგებობების აფეთქებით დემონტაჟის სამუშაოებზე მონიტორინგი;
- ხიდებზე საკონტროლო-გამზომი სამუშაოების ჩატარება;
- ასაფეთქებელი არეების სტრუქტურული ანალიზი;
- წყალქვეშ ჩატარებული აფეთქების მონიტორინგი;
- სამშენებლო სამუშაოების შესრულების, ხიმინჯების ჩასობის და მძიმე ტრანსპორტის (სამხედრო ტექნიკა) გადაადგილებით გამოწვეული სეისმური ტალღების გავრცელების ანალიზი და მონიტორინგი;
- დისტანციური მონიტორინგის შესაძლებლობა „Auto Call Home” ეკვივალენტური ფუნქციის საშუალებით.

მახასიათებლები:

არხები – მიკროფონი და სამგანზომილებიანი (სტანდარტული სამგანზომილებიანი სეისმომომღებით)

სტანდარტი: ISEE an DIN 45669-1.

დიაპაზონი – 254 მმ/წმ-მდე.

გარჩევადობის სიჩქარე – 0,00788 მმ/წმ.

სიზუსტე (ISEE/DIN) - +/- 5% ან 0,5 მმ/წმ.

გადამწოდის სიმკვრივე – 2,2 გ/სმ³.

სიხშირის დიაპაზონი (ISEE/DIN) – 2 დან 250 ჰც.

კაბელის მაქსიმალური სიგრძე – 1000მ.

ტალღის ფორმის რეგისტრაცია.

ჩაწერის რეჟიმები – ხელით, ერთჯერადი, უწყვეტი.

სეისმური ტრიგერი – 0,13÷254 მმ/წმ.

ჩაწერის რეჟიმის შეჩერება – ჩართვის დროის დაფიქსირება.

ჩაწერის დრო – 1-90 წმ (1 წამში დაპროგრამებული ბიჯით).

ფიზიკური მახასიათებლები:

ზომები – 101.6 X 135.1 X 44.5 მმ.

მასა – 0.5 კგ.

აკუმულატორი – 10 დღისანი ლითიუმ იონის ელემენტი.

მეხსიერება - 1000 ერთეული.

სამომხმარებლო ინტერფეისი – კლავიატურის შესაბამისი 10 ღილაკი და ფერადი ეკრანი და განსაკუთრებით ხშირად გამოსაყენებელი ფუნქციებისათვის გამოყოფილი ღილაკები.

დისპლეი – QVGA, 320 x 240 ფერადი ეკრანი.

კომპიუტერთან მისაერთებელი ინტერფეისი – USB.

გარემო:

დისპლეის სამუშაო ტემპერატურა –10÷50°C.

2.3. საკვალიფიკაციო მონაცემების დამადასტურებელი დოკუმენტები

„გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის N9

ბრძანების მე-11 მუხლის მე-4 პუნქტის თანახმად, საკვალიფიკაციო მონაცემების დამადასტურებელი დოკუმენტების წარმოდგენა არ მოითხოვება.

2.4. შესყიდვის ობიექტის სავარაუდო ღირებულება

2.4.1. შესყიდვის ობიექტის სავარაუდო ღირებულება შეადგენს 23000.00 (ოცდასამი ათასი) ლარს, დღგ-ს ჩათვლით;

2.4.2. პრეტენდენტმა, რომელიც არ არის დღგ-ს გადამხდელი, სატენდერო წინადადება უნდა წარმოადგინოს დღგ-ს გათვალისწინებით, ხოლო სახელმწიფო შესყიდვების შესახებ ხელშეკრულების გაფორმებისას, აღნიშნული გადასახადი (18%) დააკლდება მის მიერ დაფიქსირებული სატენდერო წინადადების საბოლოო ღირებულებას.

2.4.3. თუ პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისგან მოითხოვს ფასწარმოქმნის ადეკვატურობის დასაბუთებას, რაზეც პრეტენდენტი ვალდებულია იქნება მოთხოვნიდან 3 (სამი) სამუშაო დღის ვადაში წარმოადგინოს მის მიერ შესყიდვის ობიექტის მიმწოდებელთან გაფორმებული ხელშეკრულება ან მის მიერ გაცემული ანგარიშგაქტურა(ინვოისი) ან პროფორმა ინვოისი (ეს დოკუმენტები გაცემული უნდა იყოს წინამდებარე ტენდერის გამოცხადებიდან არაუადრეს 1 (ერთი) თვისა), რაც დაადასტურებს დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.4.4. ფასწარმოქმნის ადეკვატურობის დასაბუთების წარმოდგენლობა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ წესის მე-12 მუხლის მე-11 - მე-14 პუნქტები.

2.5. მიწოდების პირობები

2.5.1. საქონლის მიწოდება უნდა განხორციელდეს ხელშეკრულების გაფორმებიდან 45 (ორმოცდახუთი) კალენდარული დღის განმავლობაში.

2.5.2. მიმწოდებელმა საკუთარი ხარჯებით უნდა უზრუნველყოს შესყიდვის ობიექტის მიწოდება შემდეგ მისამართზე: ქ. თბილისი, ე. მინდელის ქუჩა N7.

2.6. საგარანტიო პირობები

2.6.1. მიმწოდებელმა საქონელზე უნდა უზრუნველყოს მიღება-ჩაბარების აქტის გაფორმებიდან არანაკლებ 1 (ერთი) წლიანი საგარანტიო მომსახურება.

2.6.2. საგარანტიო პერიოდში ინსპექტირება განხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

2.6.3. აღმოჩენილი ნაკლის შემთხვევაში ტექნიკა უნდა შეკეთდეს ან შეიცვალოს ახლით არაუმეტეს 30 (ოცდაათი) სამუშაო დღისა მიმწოდებლის ხარჯებით.

2.7. სატენდერო წინადადების ფასი

2.7.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა ხარჯის და გადასახადის გათვალისწინებით.

2.7.2. სატენდერო წინადადების ფასი უნდა მოიცავდეს ყველა ხარჯს, მათ შორის კანონმდებლობით გათვალისწინებულ ყველა გადასახადს (დღგ-ს ჩათვლით), ასევე ტრანსპორტირების და მონტაჟის

ხარჯებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

2.7.3. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

2.8. ანგარიშსწორების პირობები

2.8.1. ანგარიშსწორება მოხდება უნაღდო ანგარიშსწორებით ლარში.

2.8.2. ანგარიშსწორება მიმწოდებელთან განხორციელდება საქონლის მიწოდების შემდეგ, ინსპექტირებისა და მიღება-ჩაბარების აქტების გაფორმებისა და მიმწოდებლის მიერ საქართველოს კანონმდებლობით დადგენილი შესაბამისი დოკუმენტების (მათ შორის საგადასახადო ანგარიშ-ფაქტურა, თუ მიმწოდებელი დღგ-ს გადამხდელია) წარმოდგენიდან არაუგვიანეს 10 (ათი) სამუშაო დღის განმავლობაში.

2.8.3. შესაძლებელია შესყიდვის ობიექტის ღირებულების 100%-ის წინასწარი გადახდა ამ თანხის შესაბამის ოდენობაზე კომერციული ბანკის მიერ გაცემული საბანკო გარანტიის წარმოდგენის შემთხვევაში, რომლის მოქმედების ვადა არანაკლებ 30 (ოცდაათი) დღით უნდა აღემატებოდეს ხელშეკრულების მოქმედების ვადას.

2.8.4. ანგარიშსწორება მოხდება საბანკო გარანტიის წარმოდგენიდან 5 (ხუთი) სამუშაო დღის ვადაში.

2.8.5. დაფინანსების წყარო - შოთა რუსთაველის ეროვნული სამეცნიერო ფონდის მიერ დაფინანსებული № AR/62/3-180/14 საგრანტო პროექტის ბიუჯეტი.

2.9. პრეტენდენტის მიერ ერთიან ელექტრონულ სისტემაში ასატვირთი მონაცემები

2.9.1. რეკვიზიტები - დასახელება, მისამართი, ტელეფონი/ფაქსი, საბანკო რეკვიზიტები, ხელმძღვანელი პირის სახელი, გვარი, დანართი N1-ის მიხედვით.

2.9.2. ფასების ცხრილი - სატენდერო დოკუმენტაციით გათვალისწინებული დანართი N2 - აღნიშნულ დანართში პრეტენდენტის მიერ მითითებულ უნდა იქნას სატენდერო წინადადების ფასი, შემოთავაზებული საქონლის საერთო და ერთეულის ღირებულებები, დეტალურად გაშიფრული ტექნიკური მახასიათებლები, საქონლის მწარმოებელი ქვეყნის, ფირმის და მოდელის მითითებით, მიწოდების ვადა, პირობები, საგრანტო ვადა, ამ დანართით გათვალისწინებული პირობების შესაბამისად.

2.9.3. მოთხოვნის შემთხვევაში, პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და ნოტარიულად დამოწმებული ასლ(ებ)ი, რომლებიც იყო ატვირთული ერთიან ელექტრონულ სისტემაში. პრეტენდენტის მიერ წარმოდგენილი (ერთიან ელექტრონულ სისტემაში ატვირთული) ყველა დოკუმენტი და/ან ინფორმაცია ხელმოწერილი და/ან ბეჭედდასმული უნდა იყოს ხელმძღვანელის ან უფლებამოსილი პირის მიერ. უფლებამოსილი პირის შემთხვევაში, წარმოდგენილი უნდა იქნას (ერთიან ელექტრონულ სისტემაში აიტვირთოს) უფლებამოსილების დამადასტურებელი შესაბამისი დოკუმენტები.

2.9.4. ტექნიკური დოკუმენტაციის შედგენისას პრეტენდენტის მიერ გათვალისწინებული უნდა იყოს (არ უნდა იყოს დარღვეული) სატენდერო დოკუმენტაციით განსაზღვრული დანართების ფორმები (მათ შორის ნუმერაცია) და არსებობის შემთხვევაში მათში მითითებული აუცილებელი პირობები.

2.10. დამატებითი ინფორმაცია

2.10.1. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.10.2. სუბკონტრაქტორი არ გამოიყენება.

2.10.3. მიწოდებული შესყიდვის ობიექტი და მისი ყველა კომპონენტი უნდა იყოს ახალი, უნაკლო, უმადლესი ხარისხის.

2.10.4. სატენდერო წინადადების წარდგენით პრეტენდენტი ავტომატურად გამოხატავს თანხმობას ტექნიკური პირობებით განსაზღვრულ მოთხოვნებზე.

2.10.5. ხელშეკრულების შესრულების უზრუნველყოფის საბანკო/სადაზღვევო გარანტია არ მოითხოვება.

რეკვიზიტები

პრეტენდენტის იურიდიული ფორმა და დასახელება:

საიდენტიფიკაციო კოდი:

პრეტენდენტის იურიდიული მისამართი:

პრეტენდენტის ფაქტობრივი მისამართი:

პრეტენდენტის ტელეფონის ნომერი:

პრეტენდენტის ელ. ფოსტა:

ხელმძღვანელის სახელი და გვარი:

ბანკის დასახელება და კოდი:

ანგარიშსწორების ანგარიში:

ბ.ა.

პრეტენდენტის ხელმოწერა

ფასების ცხრილი

თარიღი:

აღნიშნულ საქონელს გთავაზობთ

(პრეტენდენტის დასახელება)

(_____)

ლარად

(თანხა ციფრებით) (თანხა სიტყვიერად)

№	საქონლის დასახელება (მარკა მოდელი)	საქონლის ტექნიკური მახასიათებლები	წარმოშობის ქვეყანა	განზომილების ერთეული	რაოდენობა	ერთეულის ფასი (ლარი)	საერთო ფასი (ლარი)	მოწოდების ვადა	მიწოდების ადგილი	საგარანტიო ვადა
1										
2										
სულ ფასი										

პრეტენდენტის ხელმოწერა, ბეჭედი:

**ხელშეკრულება
სახელმწიფო შესყიდვის შესახებ №**

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში.

ქ. თბილისი

— „_____“ 2016 წ.

ერთის მხრივ საჯარო სამართლის იურიდიული პირი „გრიგოლ წულუკიძის სამთო ინსტიტუტი“ (შემდგომში „შემსყიდველი“) წარმოდგენილი დირექტორის ნიკოლოზ ჩიხრაძის სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

შემსყიდველმა ჩაატარა გამარტივებული ელექტრონული ტენდერი ციფრული ოსცილოსკოპის (სეისმოგრაფი) და სეისმოგადამწოდის (CPV კოდი: 38293000) სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ზემოაღნიშნული ობიექტი შემდეგ თანხაზე: ----- (-----) ლარი, ყველა გადასახადის ჩათვლით (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების მოქმედების ვადა

- 2.1. წინამდებარე ხელშეკრულება ძალაშია ხელმოწერის დღიდან _____.

3. ხელშეკრულების საგანი

- 3.1. მიმწოდებელი იღებს ვალდებულებას, ამ ხელშეკრულებით გათვალისწინებული პირობების და ხელშეკრულების დანართ(ებ)ის შესაბამისად მიაწოდოს შემსყიდველს საქონელი.

4. საპატენტო უფლებები

- 4.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო ნიშნის ან დიზაინის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

5. ხელშეკრულების შესრულების კონტროლი

- 5.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.
- 5.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.
- 5.3. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

5.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებენ სსიპ გრიგოლ წულუკიძის სამთო ინსტიტუტის თანამშრომლები

6. შეფუთვა

6.1. მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

7. საქონლის მიწოდების პირობები

7.1. საქონლის მიწოდება განხორციელდება ხელშეკრულების გაფორმებიდან არაუგვიანეს 10 (ათი) სამუშაო დღისა.

7.2. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

7.3. შესყიდვის ობიექტის მიწოდების ადგილი: ქ. თბილისი, ე. მინდელის ქ. №7.

8. შესყიდვის ობიექტის ხარისხი

8.1. მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

8.2. შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

9. საგარანტიო ვადა და პირობები

9.1. შესყიდვის ობიექტზე ვრცელდება საბოლოო მიღება-ჩაბარების აქტის გაფორმებიდან 1 (ერთი) წლიანი გარანტია.

9.2. საგარანტიო პერიოდში ინსპექტირება განხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

9.3. აღმოჩენილი ნაკლის შემთხვევაში ტექნიკა უნდა შეკეთდეს ან შეიცვალოს ახლით არაუმეტეს 30 (ოცდაათი) სამუშაო დღისა მიმწოდებლის ხარჯებით.

10. შესყიდვის ობიექტის მიღება-ჩაბარების წესი

10.1. შესყიდვის ობიექტის მიღება-ჩაბარება განხორციელდება საქონლის მიწოდების შემდეგ შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

10.2. შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს ინსტიტუტის მატერიალურ-ტექნიკური უზრუნველყოფის სპეციალისტი თეიმურაზ ჯაბუა.

10.3. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

11. ანგარიშსწორება

11.1. ანგარიშსწორება მოხდება ლარში.

11.2. გადახდის ფორმა – უნაღდო.

11.3. ანგარიშსწორება მოხდება შოთა რუსთაველის ეროვნული სამეცნიერო ფონდის მიერ დაფინანსებული საგრანტო პროექტის AR/62/3-180/14 და ბიუჯეტის სახსრებით, საქონლის მიწოდებისა და მიღება- ჩაბარების აქტის გაფორმებიდან არაუგვიანეს 10 (ათი) სამუშაო დღისა.

12. ფასები

12.1. შესყიდვის ობიექტის ფასი განისაზღვრება ლარში.

12.2. შესყიდვის ობიექტის საერთო ღირებულება შეადგენს ---- (-----) ლარს.

12.3. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13. ხელშეკრულებაში ცვლილებების შეტანა

13.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული სახელმწიფო შესყიდვების მარეგულირებელი კანონმდებლობის მოთხოვნათა გათვალისწინებით.

13.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14. უფლებების გადაცემა

14.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი უფლება-მოვალეობები მესამე პირს.

15. ხელშეკრულების პირობების შეუსრულებლობა

15.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

15.2. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.02%-ს.

15.3. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

15.4. საჯარიმო სანქციით დაკისრებული თანხა გადახდილ უნდა იქნას მხარისთვის (მიმწოდებელი) აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვეში.

16. ხელშეკრულების შეწყვეტა

16.1. შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:

- ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;
- გ) იმ შემთხვევაში, თუ მიმწოდებლის მხრიდან საქონლის მიწოდების ვადების დარღვევის პერიოდი აღემატება 10 კალენდარულ დღეს ან ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 1%-ს;
- დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრ ვალდებულებების შესრულებას;
- ე) საქართველოს კანონმდებლობით გათვალისწინებულ სხვა შემთხვევებში;

16.2. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გაწიოს მომსახურება ან მომსახურების ნაწილი;
- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

16.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

17. ფორს-მაჟორი

17.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

17.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

17.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

18. სადაო საკითხების გადაწყვეტა

18.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

18.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

19. ურთიერთობა ხელშეკრულების დამდებ მხარეებთან

19.1. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი გზავნილი უნდა მოხდეს ფოსტის საშუალებით. პერატიული კავშირის დამყარების მიზნით დასაშვებია შეტყობინების მეორე მხარისთვის მიწოდება დეპუტის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

19.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

20. გადასახადები და დაბეგვრა

20.1. მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე.

21. სხვა პირობები

21.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

22.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

22.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

22.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:
